

«Պարաջ-ի մուվազաֆը» վճարելու էր ոչ մուսուլմանը հողօգտագործման համար: Սակայն, հաճախ «խարաջ-ի մուվազաֆ»-ը քրիստոնյաներից վերցնում էին այն ժամանակ, երբ հողը չէր մշակվում¹:

16—17-րդ դարերում թուրքիայում «խարաջ»-ը կորցրել էր իր սկզբնական նշանակությունը, որպես հողային հարկի և «խարաջ» անունը դարձել էր հպատակներից դանձվող պետական բազմաթիվ հարկերն արտահայտելու հավաքական տերմին:

Այս վերջին հանգամանքը հնարավորություն էր տալիս ժողովրդի բացարձակ կողոպտման: Այսպես՝ Կարամանիայի վիլայեթի կանուն-նամեում ասված է, որ խարաջ հավաքող պետական պաշտոնյաները իրենց ձեռքում բռն են դարձել հարկատուներին, իջևանելով նրանց աներում, և որ Շորենքը նրանց այդ բանում չի սահմանափակել: Իսկ նրանց մեկնումից հետո նորահարկապահանջներ եկել պահանջել են նոր խարաջ, որի հետևանքով ուսլաթը բողոքել է, ցույց տալով, որ վճարված է տասը տարվա խարաջ²:

Պարաջ վճարվող գումարի չափը միշտ եղել է փոփոխական: 15-րդ դարի կեսերից սկսած թուրքիայում որպես խարաջ դանձվող հարկի գումարը, ըստ պատմագիր «Օրուջ 'Ադիլի, կազմել է 50 ալչե³, և որ այդ գումարի չափը «այդ օրվանից էլ այդպես մնացել է», այսինքն մինչև 16-րդ դարը՝ հեղինակի ապրած ժամանակաշրջանը⁴:

Կալսերլիի (Կեսարիա) 16-րդ դարի սկզբի (1500) կանուն-նամեի համաձայն պետք է գանձվեր «յուրաքանչյուր անհավատից 26 ալչե խարաջ»⁵: Հայաստանի որոշ մասերում խարաջի փոխարեն երբեմն ստիպել են կատարել պարտադիր պարհակային աշխատանք: Այսպես, Վանում, Էյլիտ Չելեպիի ասելով, «երեք հալկական թաղերի բնակիչները պարտավոր են իրենց խարաջի փոխարեն մշտապես նորոգել բերդը»⁶:

Սակայն, թուրքիայում, ինչպես և այլ մուսուլմանական երկրներում, քրիստոնյա հպատակներից դանձվող ու ստորացուցիչ բնույթ ունեցող հարկը «ջիզիեն» էր (գլխահարկը):

Ըստ մուսուլմանական շարիաթի ջիզիեից ազատ էին՝ կանայք, երեխաները, ստրուկները, ծերերը, կրոնավորները, ընչազուրկները:

¹ В. Д. Чемерзин, Турция, её могущество и распадение, СПб, 1874, стр. 312.

² Kanun-nâme-i vilayet-i karaman (Omer Lûtfî Barkan. *հիշյալ աշխատությունը*⁵ s. 59)

³ Ալչեն (akçe) թուրքական արծաթե դրամի միավոր է: Ալչե թուրքերեն նշանակում է սպիտակավուն: Օսմանյան առաջին ալչեները հավասար էին մեկ քառորդ մսխալի, իսկ մսխալը հավասար էր 4,8 դրամի (Y. H. Uzunçarşılı, Osmanlı devleti teşkilâtından kapukulu ocakları, Ankara, 1942, s. 464.

Սուլթան Սելիմ Յավուզի ժամանակ վաթսուներորդ օսմանյան ալչեն հավասար էր մի օսմանյան ոսկու (նույն տեղ, էջ 467): Սուլթան Սուլեյման Կանունի ժամանակ հարյուր դրհեմ արծաթից 500 ալչե է կտրվել: Հետևաբար, մեկ դրհեմ արծաթը հավասար է եղել 5 ալչեի, (նույն տեղում):

⁴ Oruc, Adil Tevâriih- 'Ali Osman, Hanover, 1925, s. 46. Հայկական աղբյուրներում «խարաջ» տերմինն օգտագործվում է բացառապես «ջիզիե» իմաստով (տե՛ս Վ. Ա. Հակոբյան, Մանր ժամանակագրություններ, հատ. II, Երևան, 1956, էջ 270, 381, 382, 417, 420, 483, 517 և այլն):

⁵ Kayseriye kanunu (O. L. Barkan, s. 56).

⁶ Evlia Çelebi, Siyahetnâme, cilt IV, s. 183.